



IGL EI STAD

Igl ei stad! Grondius, ni buc? Ils gis paran dad esser senza fin, duront las notgs ch'ei pli cuortas eis ei si els cuolms era pli frestg. Tgi che vul fugir il gi ora dalla calira va aunc pli ad ault, ni seglia ell'aua frestga dil lag. Bugen selaschel jeu infectar dalla tempr da vacanzas ch'ins senta a Laax, e quei independentamein sch'ins ha sez vacanzas ni buc. Quella tempr intimescha nus da prender pli luc tut quei ch'ins fa. Lucs e multifars ei era il program da stad. Seschei inspirar e selegrei dallas biaras e bialas caschuns dad esser cheu Laax, sin via, ora el liber ed en loghens d'activitads. Forsa entupeis Vus zanua nossa nova geraua Irina Beer che nus vullein presentar a Vus en questa ediziun. Jeu givischel a Vus ina biala e buna stad.

Franz Gschwend, president communal

Quest Link meina Vus tier las Novas da Laax en tudestg e romontsch.



SCAMOND ABSOLUT DA FIUGS ARTIFICIALS

Per pl. fagei stem: Era pigl 1. 'uost vala sigl entir territori communal da Laax in scamond absolut da fiugs artificialis.

Lubiu eis ei dad arder pigns objects sco vulcans, zulprins bengals e candelas sbrinzlontas.



IMPRESSUM:

Novas da Laax, Vischnaunca da Laax
Cumpara: mintga 2 meins, mintgamai la fin dil meins

Proxima ediziun: 29 da settember 2023
Ideas per tematicas: entochen ils 11 d'uost 2023
Redacziun: Domenica Flütsch
Contact: admin@laax-gr.ch

IRINA BEER-KILLIAS



vart risguard e cumpromiss.» La dmonda tgei propiest ch'ella hagi priu e da tgei ch'ella selegri specialmein ha la nova geraua manegiau: «Biars discuers, emprendre d'enconuscher glied e biaras sentupadas. A mi plai ei da tedlar e da sebrattar, seigi lu cun turists ni indigens. Nus essan ensemen ina cuminonza tut speciala, quei ei era ina fuorma da cultura, nossa cultura dil vitg. Ils ins fan semplamein permanentamein part da quella cuminonza, ils auters forsa mo in cuort temps. Il brat denton, il sescuntrar e s'entupar el vitg, ina cuorta paterlada ni projects communabels, quei nutrescha nus carstgauns e la cultura dal vitg. Jeu selegrel d'astgar contribuir leutier activamein e da s'engaschar cun forza e perschuasiun per quella cuminonza.»

REPARTIZIUN DILS DEPARTAMENTS SUPRSTONZA COMMUNALA, NAVEN DIGL 1. DA FENADUR 2023

FRANZ GSCHWEND
president communal
Administraziun generala, finanzas, taglias, economia publica, pauper- e socialesser

RALF SEELIG
vicepresident
Polizia, pumpiers, militer e schurmetg civil, selvicultura e santeri.

OTHMAR SCHÄRER
suprastont
Scola e sanadad, substituziun sport

BEAT CAMATHIAS
suprastont
Baghegiesser, vias, provediment d'aua, canalisaziun, dismessa da rumians (luvrers comunals) e polizia da baghegiar

IRINA BEER-KILLIAS
suprastonta
Agricoltura, alps, schurmetg dalla natira ed ambient, turissem e cultura

La radunonza communal dils 13 da zercladur 2023 ha elegiu Irina Beer sco nova commembra dalla suprastonza communal. Cun bia slontsch e motivaziun ha la convischina da Laax entschiet siu uffeci igl 1 da fenadur 2023. «L'emprema sesida ei tuttina stada empau speciala. Pli baul duront miu emprendissadi sin vischnaunca era ei miu pensum da preparar mintgamai la stanza da sesidas. D'ina vart era ei per mei buca jester dad esser en quella. Dall'autra era ei tuttina niev dad esser returnada», ha ella manegiau cun in surrir en fatscha. Dapresent ei Irina Beer vidlunder da seluvrar els differents dossiers, la surdada d'uffeci ei stada interessanta ed intensiva: «Marita Buchli ei stada fetg diligenta, quels 12 onns ha ella schau clars fastitgs.» Sco in dils emprems acts d'uffeci han las duas dunnas visitau communalamein l'Alp Nagens, ellas han purtau ina tscheina al personal d'alp. «Ei ha fatg impressiun da veser tgei truppa dil tut differenta che viva e lavura ensemen sin in spazi schi stretg. Quei vala era per la zona da glamping ch'ei ella vischinonza. Igl ei sintomatic per la convivenza dall'agricultura da muntogna cul turissem, quei che pretenda da mintga

REVISIUN DALLA CONSTITUZIUN: INFORMAZIUN DALLA SITUAZIUN ACTUALA

Actualmeins ei la vischnaunca vidlunder da reveder totalmeins la constituziun. Alla radunonza communal dil 15 d'avrel 2023 havein nus informau surlunder. La suprastonza communal vul includer la populaziun ella procedura dalla revisiun, per quei scopo ein diversas mesiras previdas. Aschia dueigi dar ina grupp da lavur che discutescha preliminarmain il sboz dalla revisiun per mauns dalla suprastonza communal. La grupp secum-

pona da representants dalla populaziun, dallas autoritads politicas e dall'administraziun e duei entscheiver sia lavur gia la fin d'uost. Pil conclus final dalla revisiun dalla constituziun ei la cuminonza da votantas e votants cumpetenta. Tenor il stan actual san ins presentar il project en rond in onn alla radunonza communal. Per rispunder ulteriuras damondas ei l'administraziun communal bugen a disposiziun.

1. AUGUST AL LAG GROND

L'Uniun da dunnas ed il Chor viril da Laax organiseshan uonn la fiasta naziunala. Il divertiment multifar ed il menaschi cun ustria da fiasta al Lag Grond entscheiva allas 16.00. Allas 21.30 dat ei in til da

lampiuns, lu suonda ina show da spidar fug allas 22.00 cun Thomas Reich. L'entrada ei libra e tochen las 24.00 cuntinuescha il divertiment musical cun sault e buna luna.

«SRF BI DE LÜT» LIVE DA LAAX

Sonda, ils 16 da settember 2023 ei «SRF bi de Lüt – Live» hosp a Laax. Naven dallas 20.10 emetta SRF live dil rocksresort a Murschetg. Aspectaturas ed aspectatur ein cordialmain beinvegni da prender plaz vid las measas e da guder la pli gron-

da emissiun da divertiment sut tshiel aviert da radio e televisiun svizzer. L'entrada ei libra. Tgi che preferescha da mirar l'emissiun cumadeivlamein a casa ell'atgna stiva, sa far quei cun tschentar sin SRF1.



CALENDER

Gievgia, 3. / 17. / 31 d'uost 2023

Guidadas dil vitg, cun viseta dil museum allas 16.00, liug da s'entupar: parcadi spel lag

Gievgia, 3 d'uost 2023

Far paun per tuts allas 9:30 – 11:00, Furnatsch

Gievgia, 10 d'uost

«Laufend romanisch lernen». allas 16:00, parcadi spel lag

Vendergis, 11 d'uost 2023

Concert da rock e Pop Cover silsunter Cafe Nocturn allas 20:00, Museum Laax

Serenada sil Lag Grond

Trumpettas, tgietschen dalla sera e tizuns allas 21.30, Lag Grond

Margis, 15 d'uost 2023

Sunatibas allas 11.00, Lag Grond

Sonda, 19 d'uost 2023

Remo A. Alig: «Der Duft von La Mutta» Discuors e spassegiada allas 14.00, Cularta

Gievgia, 24 d'uost 2023

Café nocturn Cun referat da Frédéric Toggenburg allas 19.30, Museum Laax

Dumengia, 27 d'uost 2023

Finissage exposiziun: «über natürliche Kräfte» Viseta guidada e discuors culs artists, cun Flurina Badel e Jeremie Sarbach allas 16.00, Cularta

Il program da stad cumplet anfleis Vus online sut www.laax-gr.ch/actual/